

C A I B. IV.

cionn nan àinean; maille ris na h-airnibh, bheir e air falbh i.

11 Agus loisgidh an fagart e air an altair; *'se* biadh an tabhartais a bheirear suas le teine do'n Tighearna e.

12 Agus ma's gabhar a *bhios* 'na thabhartas, bheir e feachad i 'an làthair an Tighearna.

13 Agus cuiridh e a làmh air a ceann, agus marbhaidh e i fa chomhair pàilliuin a' choi'-thionail: agus crathaidh mic Aaroin a fuil air an altair m'an cuairt.

14 Agus bheir e feachad dhith a thabhartas, *eadhon* tabhartas a bheirear suas le teine do'n Tighearna; an t-faill a tha còmh-dachadh a' mhionaich, agus an t-faill uile a *ta* air a' mhionach,

15 Agus an dà àra, agus an t-faill a *ta* orra, a *tha* làimh ris an loch-léin, agus an sgairt os cionn nan àinean; maille ris na h-airnibh, bheir e air falbh i.

16 Agus loisgidh an fagart iad air an altair: *is iad* biadh an tabhartais a bheirear suas le teine, chum faile cùbhraidh. An t-faill uile *is* leis an Tighearna.

17 *Bithidh* e 'na reachd^a bith-bhuan do'r ginealachaidh air feadh bhur n-àiteacha - còmh-dachadh uile, nach ith sibh faill no fuil sam bith.

C A I B. IV.

AGUS labhair an Tighearna re Maois, ag ràdh,

2 Labhair re cloinn Israeil, ag ràdh, Ma pheacaicheas anam tre aineolas^b 'an aghaidh h-aon sam bith do àitheantaibh an Tighearna (thaobh nithe nach bu chòir a

dheanamh) agus gu'n dean e *ni* 'an aghaidh a h-aon diubh;

3 Ma pheacaicheas an fagart a chaidh ungadh, a réir peacaidh an t-fluaigh; 'an sin thugadh e air son a pheacaidh a pheacaich e, tarbh òg gun ghaoid a dh'ionnsuidh an Tighearna chum ìobairt pheacaidh.

4 Agus bheir e an tarbh gu dorus pàilliuin a' choi'-thionail 'an làthair an Tighearna; agus cuiridh e a làmh air ceann an tairbh, agus marbhaidh e 'n tarbh 'an làthair an Tighearna.

5 Agus gabhaidh an fagart a chaidh ungadh, *cuid* do fhuil an tairbh, agus bheir e i gu pàilliuin a' choi'-thionail.

6 Agus tumaidh an fagart a mheur^c fan fhuil, agus crathaidh e *cuid* do'n fhuil feachd uairean 'an làthair an Tighearna, fa chomhair roinn-bhrait an *ionaid* naomha.

7 Agus cuiridh an fagart *cuid* do'n fhuil air adhaircibh altarach na tùis cùbhraidh 'am fianuis an Tighearna, a *ta* ann am pàilliuin a' choi'-thionail; agus dòirtidh e fuil an tairbh uile aig bun altarach na h-ìobairt-loisgte, a *ta* aig dorus pàilliuin a choi'-thionail.

8 Agus uile shàill tairbh na h-ìobairt-pheacaidh bheir e air falbh uaith; an t-faill a *ta* còmh-dachadh a' mhionaich, agus an t-faill uile a *ta* air a' mhionach,

9 Agus an dà àra, agus an t-faill a *ta* orra, a *tha* làimh ris an loch-léin^c, agus an sgairt os cionn nan àinean; maille ris na h-airnibh bheir e air falbh i,

10 Mar a thugadh air falbh i o tharbh ìobairt nan tabhartas-sith;

^a ordugh, lagh.

^b ann an aineolas *Eabb*.

^c a' bhlian.